

TIT -

Titə

*Sagi tə, Polə nə púpúní v pa*

**Titə**

*nə*

**Titə sagi tə yuu wa sugu**

**Lìù tə, v nə púpúní sagi ku tə**

Ku yi \*tuntunu Polə nə púpúní ku. Máná tə wa, v nə púpúní ku, də v yi v wulə bàń diè wa \*Romə nə.

**Lìù tə nə, v nə púpúní**

Sagi ku tə yi Polə púpúní ku v pa Titə nə. Titə nyuna tà \*Zwifə, v tətə Titə ga yi Polə karbiu. U tun də Polə, sə ba ma swìn suywánú tə.

**Sagi tə wa sugu**

Nəŋə ku tə yurɪ, Polə nə púpúní v nə: Titə yi v wulə Kəretə nagwanaa tə wa, ku nə wulə muu tətəŋi tə wa. Ku nagwanaa təntə wulə nasara luv də ləzwənzwənən luv pwéré wa. Titə dàń wulə ku bwálí təntə wa, v saŋa \*Kərisə lià púlé tə nə, sə ba wàńí ba tanɪ ba tiàn.

Polə pìà v lií Titə, Kərisə lià púlí yáá tíú nə mɛ, sə v ya nətu. U púpúní ku, sə v ma bɪrɪ Titə nə kwìè tə, v nə mɛ, sə v pa nəkwia tə nə də kaninə tə nə, də ləzwəndun tə nə, də ywəŋə tə nə, ndə Timote nə. U pìí v lií ba nətu tə, ba nə mɛ, sə ba ya, sə ku pa ba wàńí ba zílí Yu nii, ndə ku nə mɛ nətu.

# 1

## Polə jùni Titə

(2 Piyerə 1.1-4)

<sup>1</sup> À mù Polə yí Yu tutunu, à ga yí Zwezi-\*Kərisə \*tuntunu də. À mù nə púpúní sagí ku tə. Yu tun nə, sə à san làà tə nə, v nə kúrí, sə ba kə ba waa Zwezi nə. Yá v ga pià, sə à pa ba lwarí cígá tə. Ku mù cígá təntə, buri ba nətə tə, ba nə mɛ, sə ba ya, sə ba ma twá Yu cwəŋə tə nə zəni. <sup>2</sup> À fwa ku nətə tə, sə làà ja yala, də ba wá na mu tə, ku nə ba zwè Yu con. Yu ba kunkun kuni. Ku mù nə pín, v kàn nii, də luu tə wà fwa, də v wá pa nəba ku mu təntə. <sup>3</sup> Yá ku máná tə, Yu nə tún nə yí, v jon nəba nə cuna tə wa. U pín, ba lwarí v sugu tə. U pín nə ku sugu təntə, yá à dàń ga swìn ku à buri, ndə v nə pín nii, sə à swìn ku nətə.

<sup>4</sup> À púpúní sagí ku tə, à pín n mù Titə nə. N yí ndə à biú nə cígá cígá, nə mɛ bələ nə kəni nə waa Zwezi nə, tə yiri. Zwezi-Kərisə jon nəba nə cuna wa. Nə nyina Yu də v mù Zwezi-Kərisə nə wá fwa pubwanu n yira, ba ga pa mú bican sió.

## Won tə Titə nə mɛ, sə v fwa Kəretə nə

(1 Timote 3.1-7, 1 Piyerə 5.1-4)

<sup>5</sup> À yá n mù Titə Kəretə nagwanaa tə wa, sə n kwen yìèn tə, tə nə ga, n pa tə zígí zəni. À pià, sə n kúrí làà, sə ba dàń ya \*Kərisə làà púlí mama yáá tián tuu mama wa. Mə ku mù nə à mù Polə dí yáá, à buri mú.

<sup>6</sup> Liù tə nə mɛ, sə v ya Kərisə làà púlí tə yáá tián tə wa, v mɛ, sə v ya liù tə, v nə ba yìèn jə, làà nə wá caga v nii nə tə yiri. U mɛ, sə v ya kan nədu bari. U bia mɛ, sə ba kə ba waa Zwezi nə. Ba tutunɛ də mɛ, sə tə ya zəni, sə làà tə mama wàní ba na də, ba ba duən pèní vɛɛ vɛɛ. Ba ga tə mɛ, sə ba zílí v nii də. <sup>7</sup> Kərisə làà púlí yáá tián yuu tíú yí Yu tutuní tə v tuŋa. Ku mù

nə pun, v m̀b̀ liù t̀əntə wà mɛ, sə v ja yìèn, ba nə wá caga v nii nə tə yiri. U wà mɛ, sə v ya fwiə tíú, nə à yèé, sə v ja lɪŋa zənzən. U wà mɛ, sə v nywin swana, v bubunɪ, nə à yèé, sə v yà jarıdıru. U wà mɛ, sə v twá yokukwınan nə, v ma pìà səbiu. <sup>8</sup> Nèń tə tə, v nə mɛ, sə v fwa: U mɛ, sə v yà liù tə, v nə jonə vərə zəni, v pa, ba zuri v diè wa. U mɛ, sə v sóní ku tə nə ziən. U mɛ, sə v yà liù tə, v nə buŋa zəni, v ga tuŋa ku tə nə yi cígá yoo. U mɛ, sə v kə v tiàn míámíán Yu tutuŋi tə wa, sə v yà liù tə, v nə yèé v tiàn janu. <sup>9</sup> U mɛ, sə v ja cígá sugv tə, nə nə kàrì nə biri là tə nə, v bican wa. Ku m̀b̀ nə wá pa v wàní, v kwè ba duən tə də ku sugv təntə. Ku ga tə wá pa v biri nəpon nəpon də, là tə, ba nə zıga ku sugv tə nə, yi kunkuna. Mə là təntə yiri nə, n mɛ, sə n kúrí.

*(Romə tiàn 16.17-18, 1 Timote 1.3-7, 2 Timote 3.5-9)*

<sup>10</sup> Lwarı də, là dáá zənzən, ba nə ba liù mama nii zílí. Ba yàá swìn s̀r̀r̀n tə nə ba dèń jə, ba ma gıgarı là tə ba dıgv. \*Zwifə-ba tə, ba nə yi Kərisə là tə, nə tuŋa ku yoo təntə, ba doni là tə mɛ. <sup>11</sup> Kərisə là púlí tə yáá tiàn tə mɛ, sə ba pa ku là təntə pú ba nii. Ba m̀b̀ nə dwé là tə mama dii duən wa. Yìèn təntə, ba nə kàrì tə, ba wà mɛ, sə ba kàrì tə. Ba fwa ku nətu tə, ba ma twá yokukwınan nə, ba pìà səbiu. <sup>12</sup> Ba wa liù don, v də nə yi Kəretə tíú, v nə yi ba yənu tíú, dí yáá v swìn v wú: «Mánjá mama Kəretə tiàn yi kunkuna, ba ga yi ndə ganaŋa nə. Ba yi yayınyına, yá wodiu cıci nə yi ba pubuŋa yoo.» <sup>13</sup> Yá ku yoo təntə, v m̀b̀ yənu tíú tə nə swìn, tə ya cígá. Ku m̀b̀ nə pun, n dání mɛ, sə n caga ba nii nə zənzən, sə ku pa ba kə ba waa Zwezi nə wuuu, ndə ku nə mɛ nətu. <sup>14</sup> Caga ba nii nə, sə ba kúb̀ dən ká cıgv Zwifə-ba yomanan tə, sə ba dən ká twá là tə, ba nə vıga cígá tə s̀r̀r̀n tə nə. <sup>15</sup> Də liù bican nə yi nəpon Yu yáá con, won mama wá ya nəpon ku pa wá. Yá là tə, ba bican nə tà nəpon Yu yáá con, ba nə wà ba waa ken Zwezi nə, won mama wàrì nəpon ku yanı ku pın ba. Ba yənu də ba pubuŋa mɛ yi yozwənən. <sup>16</sup> Ba yàá swìn də ba bwé, sə ba ma biri də, ba yèé Yu. Yá

ba yokukwɛnan tɛ dɛn nɛ yɛɛ bɪrɪ dɛ, ba cɪgɛ yɛrɪ Yu. Ba ba Yu nii zɪlɪ, ba yɪ won tɛ, Yu nɛ culɪ nɛ, ba tɔŋa, ba ga wɛrɪ yozɔŋu mama ba tɔŋa.

## 2

### **Kàrà tɛ, ka nɛ mɛ**

*(1 Timote 2.9-15, 1 Piyerɔ 3.1-6, Efɛzɔ tɛn 6.5-8, 1 Piyerɔ 2.18-20)*

<sup>1</sup> N m̀ Titɛ, n mɛ, sɛ n kàrɪ kàrà tɛ, ka nɛ yɪ cɪgɛ, n bɪrɪ lià tɛ nɛ. <sup>2</sup> Bɪrɪ bazunan tɛ nɛ dɛ, ba mɛ, sɛ ba ya lià tɛ, ba nɛ yɛɛ yoo dɛn. Ba mɛ, sɛ ba ya lià tɛ, lià nɛ mɛ, sɛ ba zɪlɪ ba. Ba mɛ, sɛ ba ya lià tɛ, ba nɛ buŋa zɛnɪ. Ba mɛ, sɛ ba kɛ ba waa Zwezi nɛ wuuu, dɛ cɪgɛ cɪgɛ, sɛ ba sɔnɪ lià tɛ duɛn tɛ, cɪgɛ cɪgɛ, ba ga ja pɪnɔ dɛ zɛnzɛn.

<sup>3</sup> Bɪrɪ kazunan tɛ nɛ, sɛ ba ya ndɛ nɛtɔ tɛ, Yu nɛ swɛ, sɛ ba ya. Ba wà mɛ, sɛ ba ya lià tɛ, ba nɛ swɛn yolwana, ba pɪn lià nɛ. Ba wà mɛ, sɛ ba yà lià tɛ, ba nɛ nywɪn swana zɛnzɛn, ba nɛ wɛrɪ ba jɛnɪ tɛ yɪrɪ. Ba mɛ, sɛ ba pa kwɛtɛ tɛ, tɛ nɛ zɛn lià nɛ. <sup>4</sup> Dɛ ba nɛ fwa ku nɛtɔ tɛ, ba wá bɪrɪ kana tɛ, ba nɛ yɪ kaninɛ tɛ, sɛ ba sɔnɪ ba bana dɛ ba bia. <sup>5</sup> Kana tɛ, ba nɛ yɪ kaninɛ tɛ mɛ, sɛ ba twá dɛ ba, ba ma lwarɪ nɛtɔ, ba nɛ mɛ, sɛ ba ya lià tɛ, ba nɛ buŋa zɛnɪ, sɛ ba bɛantɪ dɛ ga ya nɛpon. Ba mɛ, sɛ ba ywán ba diè yìèn yuu. Ba mɛ, sɛ ba sɔnɪ lià, ba ga sɛ ba bana nii. Dɛ ba nɛ fwa nɛtɔ, lià tɛ bá swɛn yolwan, ba pa Yu sugu tɛ nɛ.

<sup>6</sup> Kwè balandura tɛ, sɛ ba bɔn zɛnɪ ba waa con. <sup>7</sup> N tɛtɛ Titɛ mɛ, sɛ n ya liù tɛ, ba nɛ wá twá n nɛ, ba ma tun yozɔŋɛ won mama wa. N tɛtɛ fwa yozɔŋɛ cɪcɪ, sɛ ku bɪrɪ balandura tɛ nɛtɔ tɛ, ba nɛ mɛ, sɛ ba fwa. Yoo tɛ mama, n nɛ kàrɪ ba, sɛ n pa ku ya dɛ n cɪgɛ mama. Kàrɪ ba kàrà yɪrɪ tɛ, ku nɛ wá pa lià tɛ zɪlɪ m̀. <sup>8</sup> Kàrɪ yìèn tɛ, tɛ nɛ yɪ cɪgɛ, liù nɛ wɛrɪ tɛ yɪra yoo u swɛn. Ku m̀ nɛ wá pa lià tɛ, ba nɛ pià ba swɛn nɛ yolwan tɛ na, dɛ yolwan mama tɛlɛ nɛ yɪra. Yá ku dɛn wá pa cavɪra ja ba.

<sup>9</sup> Kwè ywəŋə tə, də ba mɛ, sə ba sè liù tə, v nə yè, ba nii yoo mama wa. Ba mɛ, sə ba fwa ku tə, ba lià tə, ba nə yè ba tə, nə swə, sə ba fwa. Yá, sə ba dân ká tútùní ba nii wa. <sup>10</sup> Ba dân ká ŋu lià tə, ba nə ti ba tə, wiən də. Ku tə ba dân mɛ, sə ba fwa, ku mù nə yí, sə ba tun tutunzəŋə, sə tə biri də, ba sè nii zəni. Də ba nə fwa nətu, ku wá pa lià pa dun kàrà tə nə, nə nə kàrì Yu yoo yuu wa, v nə jon nəba nə cuna wa.

*(1 Piyerə 1.10-21, Romə tián 12.1-2, 1 Zwan 3.1-3)*

<sup>11</sup> Yu biri v pubwanv tə nəpon nəpon, də v swə, sə v jon lià tə mama ba cuna wa. <sup>12</sup> U biri ku nətu tə nəba, sə ku pa nə dugu tutunkukwɪnan tə, Yu nə ba pià, sə nə kùù dân ká pià luu wokukwɪnan tə. Yá nə tə nə wulə síún luu ku tə wa, nə mɛ, sə nə ya lià tə, nə nə buŋa zəni, sə nə tun ku tə, nə yí cígá yoo, nə ga twá Yu cwəŋə tə nə zəni. <sup>13</sup> Nə mɛ, sə nə fwa nətu, nə ma dânì dun nəzəŋu tə, də ku biàn, sə nə na ku nə yíi wa. Ku dun təntə nə yí dun tə, Zwezi-Kərisə nə wá píi v bà də v dun tə. U mù nə yí nə Yu nəfarv, v ga yí liù tə, v nə jonə nəba nə cuna wa. <sup>14</sup> U mù nə twi v ti nə yiri, sə v ma yè nəba v jon nə yokukwɪnan tə wa, v pa Yu nə, sə nə bican dân ya nəpon v yáá con. U fwa ku nətu tə, sə nə ya lià tə, nə nə yí v mù nyiən, nə ga swə ka fwa yozəŋə mánjá mama wuuu.

<sup>15</sup> Kàrí tə yìèn tə tə, n ma kwè lià tə. Dân ba jìàn, sə n ga caga ba tə, ba nə cùgà tə nii nə. Yu pun mú diàn n nii sugu wa. Swìn də n nii təntə. Dân ká sè n pa lià tə mun mú.

### 3

#### Kərisə lià tə nə yí nətu

*(1 Piyerə 2.13-16, Efezə tián 2.1-10, Romə tián 16.17-18)*

<sup>1</sup> Lii \*Kərisə lià tə də, ba mɛ, sə ba sè pègá tə də yáá tián tə duən tə, ba nə ywàŋá ba luu tə yuu nii. Ba mɛ, sə ba sóní ka fwa yozəŋə mánjá mama.

## Sagɪ tə yígúré sùrán

*(1 Korentə tián 16.20-24)*

<sup>12</sup> À wá tun Arətemasə, nə à yəó Tiswikə n con. Máná tə, ba nə yí lá, sə n kə diàn, sə n bà n yí nə Nikopolisə nə. À ken à sírí, sə à va à ya lá, də waran tə máná ma le. <sup>13</sup> Ku dǎn mɛ, sə n kə diàn n san Zenasə nə v nə yɪ liù tə, v nə zɪga nə jɪrɪmɪv nə bura tə wa, də Apɔlɔsə nə, sə ba wǎní ba va ba cwəŋə tə. San ba zəni, sə won dǎn ká mùrì ba. <sup>14</sup> Nə \*Kərisə lià tə də mɛ, sə ba kwè nətv tə, ba nə wá fwa yozəŋə máná mama wuuu, sə ba ma san lià tə nə wiən nə mùrì ba. Də ba nə fwa nətv, ku tə, ba nə yɪ, tə bá ya tutu.

<sup>15</sup> Lià tə mama, ba nə wulə à con, jùnì mú. Jun Kərisə lià tə də mama. Ba də ken ba waa Zwezi nə ndə nə nə, yá ba ga swə nəba. Yu nə wá fwa pubwanu á mama yɪra.